

“Тасдиклайман”
ФарДУ ректори, проф.



М.Х.Мхмедов

2010 й.

“Тасдиклайман”
“Фаргонапахтасаноат”худудий
акциядорлик бирлашмаси

Гулиев Й.Т.Ҳакимов



2010 й.

**Инфрақизил нурлар билан пахта хом-ашёсими
қуритиш технологиясини ишлаб чиқиш
мавзуси бўйича
(№17/01 12.05.2010 й. шартнома асосида)
ХИСОБОТ**

Ижрочилар:

Мавзуу раҳбари

Онарқулов Каримберди Эгамбердиевич,
Физика-математика фанлари доктори,
профессор

Катта илмий ходим

Носиров Нодир Валижонович, магистр

Илмий ходим

Рахматов Ғуломжон Рахмонбердиевич,
магистр

Лаборант

Соибназаров Баҳтиёр Ҳалимжонович,
бакалавр

КИРИШ

Республикамиз иқтисодиётини ўстиришда халқ хўжалиги соҳаларига инновацион технологияларни тадбиқ қилиш катта имкониятлар яратади. Айниқса қишлоқ хўжалик маҳсулотларини қайта ишлашда ҳозирга қадар қимматбаҳо, энергия сарфи катта бўлган курилма ва технологияларнинг ишлатилиши олинаётган маҳсулотларнинг таннархини ортишига олиб келмоқда.

Ўзбекистон Республикаси Вазирлар Маҳкамасининг 2007 йил 3 апрелдаги "2007-2011 йилларда пахта тозалаш саноати корхоналарини модернизация ва реконструкция қилиш дастури тўғрисида"ги қарори асосида пахта хом-ашёсини дастлабки ишловга тайёрлаш, саклаш, қайта ишлаш самарадорлигини ошириш мақсадида "Фарғонапахтасаноат" худудий акциядорлик бирлашмаси тизимидағи корхоналар ҳам техник ва технологик жихатдан модернизация қилинмоқда.

Маълумки, пахта хом-ашёсини анъанавий қуритишда иссиқ ҳаво оқимидан фойдаланилади. Бунда ҳавони қиздириш учун суюқ ва газсимон ёқилғилар ишлатилади. Бу эса, биринчидан қимматбаҳо ёқилғини сарф бўлиши, иккинчидан экологиянинг бузилиши, учинчидан фойдали иш коэффициентининг пастлиги каби камчиликларга эга. Шунингдек ишчи механизмларнинг ишлаши учун катта электр энергияси сарфланишини талаб этади. "Фарғонапахтасаноат" ХАБ раиси Й.Т.Ҳакимов ташаббуси билан пахта хом-ашёсини дастлабки ишлов учун намлик даражасини камайтиришнинг замонавий усулларини ишлаб чиқиш ҳақида таклифи асосида пахта хом-ашёсини намлигини камайтиришнинг янги усулларини топиш юзасидан илмий-тадқиқот ишлари олиб борилиши йўлга қўйилди.

"Фарғонапахтасаноат" ХАБ билан тузилган илмий – тадқиқот ишлари ни бажариш бўйича хўжалик шартномасига асосан университетимиз физиклари пахта хом-ашёсини қуритишнинг замонавий усулларини топиш соҳасида илмий изланишларни йўлга қўйишиди. Олиб борилган изланишлар натижасида пахта хом-ашёсини қуритишда инфрақизил нурлардан фойдаланиш яхши самара бериши кузатилди. Маълумки қуритиш жараёнида энг яхши натижа нурланиш асосан сувда ютилиб, асосий мoddада минимал ютилиш содир бўлганда олинади. Сувнинг ютилиш спектри эса ИҚ-нурланишлар диапозонида жойлашган. Олинган натижалар асосида физика-математика фанлари доктори К.Э.Онаркулов таклифи асосида Ўзбекистон Республикаси ФА "Физика-Қуёш" ИИЧБ Материалшунослик институтида ишлаб чиқилган функционал керамиканинг қуритиш жараёнида қўллаш амалга оширилди. Шу асосда пахтани ИҚ нурланишлар билан қуритиш технологияси яратилди ва патент олиш учун хужжатлар топширилди. Бугунги кунда яратилган курилма "Фарғонапахтасаноат" худудий акциядорлик бирлашмасига қарашли Боғод экспериментал пахта тозалаш заводига ишлаб чиқаришга қўйилмоқда.

ИССИҚЛИК ЖАРАЁНИ

Иссиқлик, жисмни ташкил қилган зарраларнинг тартибсиз ҳаракатларининг натижасидир. Иссиқлик табиат ҳодисаларининг бир тури ҳисобланади. Маълумки ташки мухит билан ҳамда ўзаро таъсирга эга бўлган моддий жисмлар тўплами термодинамик система дейилади. Бундай система ҳолатининг хар қандар ўзгариши термодинамик жараён дейилади.

Иссиқлик-ҳаракатлантирувчи куч, аниқроғи ўз шаклини ўзгартирган кучdir, бунга мисол жисм зарраларининг ҳаракатини мисол қилиш мумкин: ҳаракатлантирувчи куч каерда йўқолган бўлса, ўша ерда худди шу йўқолган куч миқдорига тенг миқдорда иссиқлик пайдо бўлади.

Системада бирор жараён юз берар экан, система ҳолатини тавсифловчи макраскопик параметрлар доимо ўзгариб туради. Системада бирор параметр ўзгармасдан юз берувчи жараёнларга изожараёнлар дейилади. Изожараёнлар куйидаги: изотермик, изобарик, изохорик ва адиабатик жараёнларга бўлинади. Иккита изотерма ва иккита адиабатик жараёнлардан иборат бўлган ҳамда дастлабки ҳолатига қайтувчи цикл Карно цикли дейилади.


Термодинамика қонунлари иситкичнинг ҳарорати T_1 ва совуткичнинг ҳарорати T_2 бўлган иссиқлик двигателини энг катта фойдали иш коэффициенти (ФИК) ни аниқлашга имкон беради. Иссиқлик машинасининг ФИК $\eta = \frac{T_1 - T_2}{T_1}$. Иситкич T_1 ва совуткич T_2 билан ишлайдиган ҳар қандай реал иссиқлик машинасининг ФИК идеал иссиқлик машинасининг ФИК дан ортиқ бўлмайди. Иситкичнинг ҳарорати қанчалик юқори ва совуткичнинг ҳарорати қанчалик паст бўлса, иссиқлик двигатели шунчалик самарали бўлади. Совуткичнинг ҳарорати абсолют нолга тенг бўлган ҳолда иссиқлик машинасининг ФИК $\eta = 1$ бўлади.

Циклик жараён учун биламизки, учта жисм: иссиқлик олинаётган иссиқлик манбаи (иситгич), иссиқлик бериладиган совуқроқ жисм (совутгич) ва иссиқликнинг берилиши ва ишининг бажарилишида воситачи бўлган ишчи жисм бўлиши керак.

Иш бажарилмасдан иссиқлик бериш жараёни бўлмайди. Ишчи жисмга иситгич билан контактни узмаган ҳолда кегайиши ва бирор жисмни масалан: поршени силжитиш учун имкон берсак, бу ерда изометрик кенгайиши бўлади. Бунда иш бажарилади. Бу иш иситгичдан олинган иссиқлик ҳисобига бажарилади, бироқ иситкичнинг иссиқлик сифими катта бўлгани учун у ўз температурасини ўзгартирмайди.

Ишчи жисм олган иссиқликни совутгичга бериши керак. Совутгичга бу иссиқликни ишчи жисмни бевосита совутгич билан тегизиб амалга ошириб бўлмайди, чунки изотермик кенгайган ишчи жисмнинг температураси совуткичнинг температурасидан баланд бўлади ва бевосита kontaktda иссиқлик узатилганда фойдали иш бажарилмайди. Шунинг учун дастлаб ишчи жисмни совутгич температурасигача совутиш ва сўнгра унга тегизиш

керак. Ишчи жисмни совутиш учун эса у иситгичдан изоляция қилиниши ва сўнгра совутгич температурасига тенглашгунча адиабатик кенгайишига имкон бериш керак.



Адиабатик кенгайища жисмлар совийди.

Иссиқлик машиналарида содир бўладиган жараёнларда узатиладиган иссиқлик микдори ҳисобидан иш бажарилади ва бунда энергия сақланиш қонуни бажарилади. Ташқаридан олинган ва ташқарига қайтариб берилган иссиқлик микдорининг қийматлари орасидаги айрма ҳосил қилинган ишга тенг.


Иситгичдан олинган Q_0 иссиқлик микдорининг қанча қисми А ишга айлаганини билиш катта амалий аҳамиятга эгадир. Чунки совитгичга берилган Q_2 иссиқлик микдорининг амалий аҳамияти йўқ. Шунинг учун Ф.И.К. тушунчаси киритилади.

$$\eta = \frac{A}{Q_0} = \frac{Q_0 - Q_1}{Q_0} \quad (1)$$


Бу фойдали иш коефициентини ҳисоблашда 4 та босқичдан иборат бўлган циклда ишловчи модда бирор манбадан олинган Q_0 иссиқлик микдори ҳисобига А ишни бажаради. Шунингдек бу жараёнда Q_1 иссиқлик микдори совиткичга берилишини кўрдик. Бу жараён мураккаб характеристидир. Демак, бу жараёнда совутгичга бериладиган Q_1 иссиқлик $Q_1 = Q_0 - A$ (2) билан аниқланади.

1 ҳолат ҳажм V_0 , босим P_0 ва температура T_0 билан характерланади. 1 молл идеал газни ишловчи модда сифатида олиб циклини ўрганамиз. Газ 2-ҳолатни олгунча ҳажм V_1 , босим P_1 билан изотермик ($T = \text{const}$) кенгайишига мажбур қиласиз: газ изотермик кенгайиши вактида иситгичдан Q_0 иссиқлик микдорини олади ва $A_1 = Q_0$ иш бажаради.

Агар совитгичнинг температураси $T_1=0$ бўлса $\eta=1$ бўлиши мумкин. Аммо абсолют нолни олиб бўлмайди. Шунинг учун $\eta < 1$ да бўлади. Тўғри циклнинг (идеал иссиқлик машинасининг) ишлаш схемаси куйидагича:



Корно циклнинг қайтувчанликка нисбатан аксинча йўналишда амалга ошириш идеал совуқлик машинаси бўлади. Унинг схемаси қуйидагича



ИНФРАҚИЗИЛ НУРЛАРНИНГ ФИЗИКАВИЙ ҲУСУСИЯТЛАРИ

Агар қўёш ёруғлик нурини оптик шишадан қилинган призма, тош туз ёки бошқа шаффоф материал орқали ўтказилса, экранда рангли йўл-с п е к т р пайдо бўлади. Спектрнинг кўк ва қизил чегараларига яқинлашганда ундаги энергия камаяди. Лекин спектрнинг ҳатто қоронғи қисмида ҳам экранга нур энергияси тушади. Экран яқинига термометр қўйиб, бунга ишонч ҳосил қилиш мумкин. Қизил чегарадан кейинги қисмига тушадиган энергияни кўзимизга кўринмайдиган инфрақизил (ИК) нурланиш-электромагнит тўлқинлар элтади. Бундай тўлқинларнинг узунлиги 0,760 мкм дан 1000 мкмгacha бўлган диапазонда бўлади.

ИК нурланишнинг асосий манбай-қизиган жисмлар. Бир қатор олимлар ИК нурланишни кўринадиган ёруғликка айлантирадиган асбобларни ишлаб чиқишиган. Улар ёрдамида кечаси кўриш аппаратуроси яратилган; одам танаси ҳарорати картасини олиш ва унга қараб одамнинг саломатлиги ҳақида фикр юритиш мумкин. Инфрақизил нурланиш соҳасидаги спектрлар тадқиқотчиларнинг мураккаб органик молекулаларнинг тузилишини тушунишларига ёрдам беради. Инфрақизил лампаларнинг кучли нурланиши оқимларидан кўпгина технологик процесслар (масалан, бўялган автомобиль кузовларини тез куритиш) да фойдаланилади.

Ёруғлик электромагнит тўлқинларнинг маълум бир соҳаси бўлиб, у инфрақизил, кўринадиган ва ултрабинафша нурларни ўз ичига олади. Инфрақизил нур-тўлкин узунлиги бир неча мм дан $7600\text{ (A}^0\text{)}$ (A^0 -ангстрем узунлик ўлчови бўлиб, $1\text{ A}^0 = 10^{-8}$ см га teng) гача иссиқлик таъсирига эга бўлган нурлардир.

Электромагнит тўлқинлар шкаласида кўзга кўринадиган нурланиш спектрининг қизил ранги охири ($\lambda = 760\text{ nm}$) билан қисқа тўлқинлар радиодиапазонидаги миллиметрли тўлқинлар спектрини бошланиши ($\lambda = 1-2\text{ mm}$) орасидаги участкани эгаллаган нурланиш инфрақизил нурланиш дейилади. Нурланишнинг табиий манбалари-куёш, ер, юлдуз, планеталар ва ҳ.к., суний манбалари-гулхан, ёнувчи шам, уланган электр лампа ва ҳ.к. Инфрақизил нурланишнинг ўзига хос хусусияти модда билан ўзаро таъсирашганда намоён бўлади. Шунинг учун инфрақизил тўлқинлар кўпинча иссиқлик тўлқинлари дейилади.

Электромагнит тўлқинлар кенг частота (ёки тўлкин узунлиги) оралиғига эга бўлиб бир-биридан уларни пайдо қилиш ва қайд қилиш усуслари ва хусусиятлари билан фарқланади. Шунинг учун электромагнит тўлқинлар бир неча турларга бўлинади: радиотўлқинлар, ёруғлик тўлқинлари, рентген ва гамма-нурлар. Бунда ёруғлик тўлқинлари $5 \cdot 10^{-4} - 10^{-9}\text{ m}$ узунликка эга бўлади. Ўз навбатида ёруғлик тўлқинлари инфрақизил (ИК) ($5 \cdot 10^{-4} - 8 \cdot 10^{-7}\text{ m}$), кўринувчи нурлар ($8 \cdot 10^{-7} - 4 \cdot 10^{-7}\text{ m}$) ва ултрабинафша (УБ) нурлар ($4 \cdot 10^{-7} - 10^{-9}\text{ m}$) га бўлинади.

Жисмлар қиздирилганда тарқатадиган ёруғлик иссиқлик нурланишлари дейилади. Юқори температураларда қисқа тўлқинли кўринувчи ва ултрабинафша нурлар, паст температураларда эса асосан инфрақизил (ИК) нурланишлар ҳосил бўлади.

ИК-нурланишлар олишда дастлабки нурлатгичлар сифатида галоген лампалар ёки ТЭНлардан фойдаланилади. Бу қиздиригичлардан чиқсан узлуксиз спектрдаги нурланишлар махсус керамика ёрдамида ИК-диапозонидаги импульсли нурланишларга айлантирилади. Импульсли нурланишлар асосий мoddанинг қизиб кетмаслиги учун зарур бўлади.

Инфрақизил нур электромагнит нурланишнинг турларидан биридир. Нурланишлар қаторида у бир томондан кўринадиган нурдан сўнг иккинчи томондан микротўлқинлар томонида жойлашган. Инфрақизил спектр тўлқинининг узунлиги 0.76 mkm дан бошланади ва 1000 mkm гача давом этади. Шунда 2 mkm гача бўлган тўлқинлар қисқа, 2 дан 4 mkm гача ўрта, 4 mkm дан

(баъзи муаллифлар маълумотларига кўра 5 мкндан) юқорилари узун инфракизил тўлкинларга мансубдир.

Инфракизил нурлар молекула ва атомларнинг ўзларининг тенг вазнлилик ҳолати атрофидаги ҳаракат туфайли вужудга келади. Бу ҳаракат абсолют нол (-273°C) дагина тўхтайди ва демак шундагина кўринмас инфракизил нурланиш йўколади. Молекулаларнинг ҳаракати доимий содир бўлиши туфайли хар қандай жисм, жумладан одам инфракизил нурланиш манбай бўла олади. Инфракизил диапазон нурларининг хусусияти шундан иборатки, хар қандай жисм, жумладан одам организми нафақат нурланишни ютади ёки қайтаради, балки ўзи ҳам манба бўла олади. Инсон организмни 9.3 – 9.53 мкн диапазонида максимал нурланишга эгадир.

Организмга инфракизил нурланишга салбий реакция пайдо бўлиш сабабини тушуниш учун нурланишнинг квант энергияси тўлқин узунлигига тескари пропорционал эканлигини эслашимиз керак. Агар бизнинг шахсий нур чиқаришимиз 9-10 мкн оралиғидалигини хисобга олсак, 1.5 мкн тўлқин узунлигидаги инфракизил нурдан фойдаланиш бизнинг шахсий нур чиқаришимиздан 6 баробар кўп энергияга эгадир. Юқорироқ квант энаргиясига эга худди шу нурланиш инфракизил нурланишнинг кенг спектрини қўллашда салбий эффектларнинг пайдо бўлишига сабаб бўлади. Бундан ташқари сув 1.3 мкн ва 2.7 мкн диапазонда максимал ютилишга эга. Бизнинг 2/3 қисмимиз сувдан иборат эканлигини хисобга олиб, юкори даражадаги яқин диапазон инфракизил нурланиш кўрсатаётган салбий таъсирни изоҳлашимиз мумкин.

Ўз ишларида муаллифлар нурланишнинг кенг спектрига эга нурлатувчи манбанинг факат бир туридан фойдаланишади. Лекин маълумки ҳар бир жисм, шунингдек хар қандай малекулалараро алоқа ҳам нурланиш чиқаришнинг муайян спектрига эга. Демак организм тўқималари селектив сезгириликка эга ва у уларнинг ҳаётий фаолиятига кўмак беради.

Шунинг учун беморларни муваффақиятли даволаш учун узун инфракизил диапазондаги тор спектрлардан фойдаланиш мақсадга мувофиқ бўлар эди.

Худди шундай тор спектрли нурлатувчи манбалар оксид керамикаси асосида материалшунослик институтида ишлаб чиқилган. Уларнинг нурланиш спектри 8-50 мкн гача бўлган диапазонни қамраб олади.

Нурлатувчи манбалар турли вақт ҳаракетистикасига эга бўлиб, узлуксиз, импульсли ёки мураккаб вақт кетма-кетлигига энергия нурлатиши мумкин.

Маълумки қуритиш жараёнида энг яхши натижа нурланиш асосан сувда ютилиб, асосий моддада минимал ютилиш содир бўлганда олинади. ИК-нурланишлар диапозони сувни ютилиш спектрига мос келади. Шунинг учун бундай ҳолда пахта хом ашёси қизиб кетмайди ва ўзининг барча хусусиятларини (температура таъсиридаги толадаги ва чигитдаги хусусиятларнинг ўзгариши кузатилмайди) сақлаб қолади, энергия сарфи кам бўлади.

ПАХТА ХОМ-АШЁСИНИ ҚУРИТИШНИНГ ФИЗИКАВИЙ АСОСЛАРИ

Нурланиш максимал даражада сув томонидан ва минимал даражада асосий материал томонидан ютилса, қуритиш жараёнида энг яхши самарага эга бўлади деб хисобланади. Биринчи қарашда бу тўғрига ўхшайди. Аслида эса қуритиш муаммоси нимада?

Агар объектларимизнинг юпқа қатламлари ҳақида сўз юритганимизда хамма нарса асосан уларнинг қизиб кетмаслиги ва фаол хусусиятларини саклаши, шунингдек қандай қилиб камрок энергия ва вакт сарфлаш ҳамда нарсаларни қуритиш ускунасига қўйиб ҳеч қандай ортиқча оворагарчиликсиз уларни тайёр ҳолатда олишга йўналтирилади. Қуритиш жараёнининг асосий муаммоси-эритувчининг, масалан нарсаларнинг ички қатламларидан сувнинг чиқариш шу билан бирга асосий материилга зарап етказмасликни сезмаймиз.

Юқоридагиларни ҳисобга олган ҳолда бирламчи манбанинг тўхтовсиз нурланишининг инфрақизил диапазондаги импульс нурланишга айлантирувчи керамика ишлаб чиқилган эди. Нима учун инфрақизил диапазон танланганлиги тушунарли-бу сувнинг ютиш соҳасидир.

Бу бирламчи спектр вазифасида келган термоэлектриситкичлар ёки галоген лампалар нурланишини техжараён учун зарур характеристикаларга эга нурланишга самарали ўтказишнинг имкониятини беради. Натижада анъанавий усул билан амалга оширишнинг имконияти бўлмаган юқори бир хилликка эга қуритиш, эритиши ва пайвандлаш имкониятини беради.

Шкафли қуритиш ҳолатининг асосий муаммоларидан бири, бу эритувчининг жумладан сувнинг буғлатиш натижасида вужудга келадиган буғни чиқариш муаммосидир. Буғ ишчи ҳажмда тўхтаб қолади ҳамда нурлатувчиларнинг асосий энергиясини юта бошлайди. Натижада маҳсулот қизиб кетади. Бу эса энергиядан фойдаланиш самарасини пасайтиришдан ташқари мақсадли маҳсулот сифатини кескин ёмонлаштиради. Унинг ранги кора, турли хил қуритилган бўлади.

Тизимнинг афзаллиги шундан иборатки у ҳар қандай ўлчовдаги қуритиш мосламаларда кўлланилиши мумкин ҳамда мослама кескин қайта курилишни талаб қилмайди. Аслида биз эжектор ва мослама девори ўртасидаги каналда насос ташкил қиласиз, у ортиқча иссиқлик ҳисобидан маҳсулотдан ажralаётган намликни тезлик билан чиқаради ҳамда камерани мажбурий шамоллатиш учун кўшимча энергия сарфланишини талаба қилмайди.

Импульс режимнинг авзаллиги яна нимадан иборат? Амалда тўхтовсиз нурланиш режимида нурлар маҳсулотнинг фактат юқори қатлами томонидан ютилади. Бу маҳсулотнинг чукур қатламларида жойлашган намликнинг ўзгармаслигига олиб келади. Бошқа сўзлар билан айтганда қуритиш даражаси бу ҳолатда жуда паст бўлади.


Биринчи қараганда импульслар куввати қанча катта бўлса, қуритиш жараёни шунча яхши ва самарали бўлади дейиш мумкин. Аслида эса бундай эмас. Ўтказилган тажрибалар шуни кўрсатдик, агар кучли импульслар кўлланилса, маҳсулот хужайраларида жойлашган сув тезда парга айланади ва хужайраларнинг “портлатади”. Тушунарлики бу ҳолатда юқори сифат ҳақида сўз юритишининг ҳожати йўқ.

ПАХТА ХОМ-АШЁСИНИ ҚУРИТИШ ҚУРИЛМАСИНИНГ ТУЗИЛИШИ ВА ИШЛАШ ПРИНЦИПИ

Пахта хом ашёсини қайта ишлашни замонавий фан ва техника ютуклари асосида модернизациялаш олинаётган тола сифатини яхшилаш, қайта ишлаш учун харажатлар микдорини камайтириш ва қайта ишлаш жараёнини тезлаштиришга хизмат қиласи.

Куйида таклиф қилинаётган ИК-нурланишлар ёрдамида пахта хом ашёсини қуритиш қурилмасининг схематик кўриниши келтирилган.

Ён томондан кўриниши



Қурилманинг ҳисоб – китоблар асосида таклиф қилинаётган катталиклари:

- Транспортёр лентаси кенглиги – 1000 мм;
- Ишчи зона узунлиги – пахта намлиги даражаси ёки транспортёр характеристика тезлигига боғлиқ ҳолда бўлади;
- ИК-элементлар узунлиги 1000 мм;
- ИК-элементлар сони – ишчи зона узунлигига боғлиқ бўлади;
- Умумий сарф қилинадиган максимал электр куввати – 10кВт.

1 тонна пахта хом ашёсими намлигини 1-3 % га камайтиришда аънанавий ва ИҚ-нурланишлар ёрдамида куритиш усууларининг иқтисодий кўрсаткичлари

Куритиш усули	Суюк ёқилғи сарфи, кг	Қиймати, сўм	Электр энергия сарфи, кВТ	Қиймати, сўм	Жами харажат, сўм
Аънанавий	14,3	7507,5	39,7	2544,0	10051,5
ИҚ-нурлар	-	-	16,7	1068,8	1068,8

Ҳисоб-китоблардан кўринадики 1 тонна пахта намлигини 1-3% га камайтириш учун ИҚ-нурланишлардан фойдаланилганда 9,4 марта кам харажат қилинади.

Ўзбекистон Республикаси Фанлар Академияси Материалшунослик институти лабораториясида ўtkазилган текширишлар натижалари куйида келтирилган.

Вақт, мин	Оғирлиги, грамм		Намлиги,%	
	дастлаб	кейин	дастлаб	кейин
1	100	98,2	12	10.2
2	100	96.7	12	8.7
4	100	95.7	12	7.7
6	100	95.1	12	7.1
8	100	94.5	12	6.5
10	100	93.9	12	5.9

Олинган натижалардан кўринадики пахта хом ашёси дастлабки 1- 2-минутларда кўп намлик йўкотади. Бунинг сабаби дастлабки вақтда ИҚ нурлар тасирида тола ҳам, чигитқобигидаги туклар(линт) ҳам ва чигит ҳам қурийди. Шунинг учун улардаги намликни камайиб бориши буғланаётган сувни камайишига сабабчи бўлади.

Бир батареяли пахта тозалаш заводида 2 та джин машинаси ўрнатилган бўлиб, уларнинг ўртача иш унуми соатига яқин 4.5 тоннани ташкил этса, заводнинг бир соатлик иш унуми ўртача 9 тонна, бир сменада эса пахта хом – ашёсининг сортига боғлиқ равишда 70-80 тонна бўлади.

Чигитли пахта намлик даражасига боғлиқ ҳолда нурлатгичнинг қувватини ёки транпортёр лентаси тезлигини ўзгартириш имконияти иш унумдорлигини режали бошқариш имкониятини беради.

ҚУРИЛМАНИНГ ҚЎЛЛАНИЛИШИ

ИҚ-нурлар билан пахта қуритиш қурилмаси пахта хом-ашёсининг намлигини инфрақизил нурлар ёрдамида 1-5 фоизга камайтириш учун мўлжалланган.

ИҚ-нурлар билан пахта куритиш қурилмаси ёпиқ иншоотларда уй температураси ва ҳаво намлиги шароитларида ишлатиш учун мўлжалланган.

Курилма 220 вольт кучланиш, 50 Гц частотали электр қуввати билан ишлади.

ҚУРИЛМАНИНГ ТЕХНИКАВИЙ КЎРСАТКИЧЛАРИ

КАТТАЛИК НОМЛАНИШИ	КАТТАЛИК КИЙМАТИ
Пахта куритиш қуввати, тонна/соат	10
Энергия сарфи, кВт	40
Габарит ўлчамлари, мм	
узунлиги	7500
эни	1520
баландлиги	2500
Оғирлиги, кг	1900

ҚУРИЛМАНИНГ ИШЛАШ ПРИНЦИПИ


Курилма пахта хом-ашёси таркибидаги сувни ИҚ-нурлар ёрдамида буғлантириб куритиш жарабини олиб боради. Функционал керамика қопланган найчалардан тарқалувчи тўлқин узунлиги 16 мкм ва импульси 10 мксек бўлган ИҚ-нурлар асосан, сувда ютилади ва пахтанинг температурасини юқори даражага қиздирмаганлиги сабабли унинг барча сифат кўрсаткичларига таъсир ўтказмайди.

ҚУРИЛМАНИНГ ТУЗИЛИШИ

ИҚ-нурлар билан пахта куритиш қурилмаси инқрақизил нурлар тарқатувчи функционал керамикали нурлатгич блоклари, пахта хом-ашёсини ташувчи транспортёр ленталари ўрнатилган уч қаватли тагликлар, пахта хом-ашёсини совутиш учун ҳаво пуркагичлар блокидан иборат.

Нурлатгич блоклари ҳар бирига 9 донадан узунлиги 1000 ммли функционал керамика ўрнатилган ва юқори томонидан нур қайтаргичлар билан тўсилган эни 1400 мм бўлган тўртбурчак шаклидаги корпусдан иборат.


Нурлатгич блоки



Пахта хом-ашёсини ташувчи транспортёр ленталари ўрнатилган уч
қаватли тагликлар ҳар бири 7метр узунликдаги кенглиги 1 метр 40 см бўлган
4 дона транспортёрлардан иборат бўлиб, уларнинг учтаси устма-уст
жойлаштирилган ва тўртинчиси пахтани джин машинасига узатиш учун
давомига ўрнатилади.


**Пахта хом-ашёсини ташувчи транспортёр ленталари
ўрнатилган тагликнинг ён томондан кўриниши**

1-нурлатгичлар махкамланган мослама, 2-нурлатгичлар, 3- транспортёр
роликлари, 4-тўсик, 5-диаметри 250 мм бўлган барабан, 6-диаметри 50 мм
бўлган ўқ, 7-курилманинг асос устунчалари, 8-курилманинг оёқ қисми.




Пахта хом-ашёсими ташувчи транспортёр ленталари ўрнатилган тагликнинг олд томондан кўриниши

1- нурлатгич блоки, 2- нурлатгичлар, 3-роликлар,
4-барабан, 5-барабан ўқи, редуктор ўрнатгич, 6-оёқ қисми.



Пахта хом-ашёсини ташувчи транспортёр ленталари ўрнатилган тагликнинг тепа томондан кўриниши


1-барабан, 2-роликлар, 3-қурилманинг асос устунчалари диаметри 30 ва 50 мм бўлган уголник), 4-редуктор ўрнатгич.



Хаво пуркагичлар пахта хом-ашёсининг намлигини камайтириш тезлигини ошириш учун мўлжалланган бўлиб юкори қаватдаги транспортёр лентасидан пастки тагликка тушаётган паҳтанинг температурасини маълум даражада пасайтириш учун хизмат қиласи.

Курилмага патент олиш учун хужжатлар тақдим этилган.

КУРИЛМАНИНГ УМУМИЙ КЎРИНИШИ



ФОЙДАЛАНИЛГАН АДАБИЁТЛАР РЎЙХАТИ

1. Г.С.Ландсберг. / “Оптика”, Тошкент, 1981 й.
2. Р.Х.Рахимов. / “Керамические материалы и их применение”, част-3, Фаргона, 2005 й.
3. Р.Х.Рахимов, В.П.Ермаков. / “Ключ к здоровью или функциональная керамика-что это такое”, Фаргона, 2007 й.
4. Й.Т.Ҳакимов, Ў.Қодиркулов, К.Онаркулов, F.Раҳматов.//ФарДУ илмий журнали, “Сушка хлопка-сырца с помощью ИК-излучений” 2009 йил, 4-сон, 6 бет.

МУНДАРИЖА

Кириш	3
Иссиқлик жараёни тўғрисида.....	4
Инфракизил нурларнинг физикавий хусусиятлари.....	6
Пахта хом-ашёсини қутишишнинг физикавий асослари.....	9
Пахта хом-ашёсини қутишиш қурилмасининг тузилиши ва ишлаш принципи.....	10
Қурилманинг умумий кўриниши.....	16
Фойдаланилган адабиётлар рўйхати..	17